



政治典訓初集

卷三十四
用人四



政治典訓初集卷第三十四

用人四

○康熙四十二年二月乙未

上顧大學士馬齊曰。學士色德里爲人頗優長。於辦事。其請旨亦熟練。即捧本及安置本匣。俱嫻雅。且極恭謹。其人並無可議。此少詹色圖子也。伊父朕常驅使。今觀其子。似更過之。但不識其將來何如耳。馬齊奏曰。

皇上所見誠然。色德里原任票簽中書。極其熟練。

上又曰。朕至杭州諮訪百姓。云趙申喬果分毫不取。但好收詞訟。聞阿山亦喜受民詞。大凡居官固貴清廉。尤必濟以和平。始爲盡善。如果好受民詞。凡有興訟者。縱即爲審理。其家產業已蕩然無有矣。如此民何以堪乎。總之地方大吏。以不生事爲貴耳。

○三月辛酉。

上諭大學士等曰。朕南巡沿途咨訪地方官。直隸巡撫李光地。河南巡撫徐潮。居官皆優。山東巡撫王國昌。江蘇巡撫宋犖。俱安靜。爲人謹愨。福建巡撫梅鋗。江西巡撫張志棟。雖在隔省。聞其居官皆優。廣東巡撫彭鵬。誠爲有守。浙江巡撫張泰交。雖屬新任。民皆懽悅。趙申喬任布政時。朕尚信其不要錢。及任巡撫。

好受詞訟。則朕難信矣。甘肅巡撫齊世武賦性褊急。好行叅劾。凡爲大吏者。當寬和平正。表率屬員。宥其小過。以漸訓勵。使各勉爲循良。豈可恣意以叅劾爲事乎。

○甲戌。

上諭大學士馬齊等曰。頃光祿寺衙門獲罪殊深。光祿寺事情緊要。學士穆和倫爲人謹慎。於教養蒙古之事。篤志勤勞。着暫攝理光祿

寺事。仍於內閣學士行走。

○四月戊戌。吏部題湖廣總督郭琇員缺。開列侍郎傅繼祖等。

上謂大學士等曰。巡撫石文晟。喻成龍俱優。此二人孰宜補授總督。着問九卿。

上又曰。今吏部尚書缺。尚未補人。巡撫李光地。徐潮原在內任。歷年亦久。早應擢用。朕因地方起見。所以暫留外任。伊等居官誠優。且得

大臣體。彭鵬趙申喬行事偏執。惟務沽名。所以事皆背謬。李光地自任直隸巡撫以來。每年雨水調順。五穀豐登。官吏兵民無不心服。吏部尚書員缺。以李光地徐潮問九卿。辛丑大學士等以九卿言俱優。覆奏。

上曰。其以李光地爲吏部尚書。仍管理直隸巡撫事。以喻成龍爲湖廣總督。

○五月戊申。兵部覆山東巡撫王國昌題濟

寧衛世襲拜他喇布勒哈番王俊美年少嫻熟馬步射。請照例補用。議准行。

上曰。各省如王俊美者尚多。此皆因彼祖父有功。故給以世職。着召來引見。如有馬步射俱優。人材堪用者。令及其年少補用。

○九月己巳。吏部以貴州巡撫王燕員缺。開列四川布政使高起龍等。

上謂大學士等曰。高起龍其年雖老。然尚強健。

居官亦優。着陞補貴州巡撫。今日引見浙江按察使于準其人亦優。四川布政使高起龍員缺。即着于準補授。浙江按察使另擬具奏。吏部奏太常寺卿明舒員缺。以山西布政使滿都擬正。太僕寺卿喇錫擬陪。

上謂大學士等曰。明舒人才優長。學問亦好。大可期望。如此之人。誠爲難得。馬齊奏曰。明舒在戶部員外郎時。曾以假監一事。交與辦

理。頗有品行。

上曰。此員缺。爾等會同尚書席爾達。將由太常寺贊禮官陞任。應行調補人員。揀選引見。

○十月癸酉朔。吏部題廣西宣化縣知縣白峴員缺。開列候補知縣吳成等。

上命以吳成補授。謂大學士等曰。嗣後有不喜廣西甘肅之缺。具呈規避者。令誌其名。補官時。仍以廣西甘肅地方補用。

○戊寅。吏部以都察院副都御史陳論員缺。開列宗人府府丞江縈等。

上謂大學士等曰。姜櫛曾任學院。聲名優著。人亦誠實。着陞補副都御史。傅作楫爲御史時。條奏甚多。其所叅陝西捐納一事。殊爲可嘉。僉都御史姜櫛員缺。着傅作楫補授。

○辛巳。浙江按察使于嗣昌員缺。馬齊等遵旨。以九卿所舉道員鮑復昌等開列入奏。

上曰。鮑復昌。朱士傑。朕知其人。俱庸常。聞陝西驛傳道金世揚。知府葉九思。及新任守道宜思恭。天津道蔣陳錫。居官俱優。雁平道李毓柱。雖未能信其操守。然亦長於辦事。又

問曰。衛台瑞係誰之子。張玉書對曰。原任大學士衛周祚之子。又

問曰。現在候補學道內。有居官素優者否。張玉書對曰。原任江西學道喬士容。居官頗優。

優。

上曰。浙江糧道李法祖。人尚可用。况名列第二。着補授浙江按察使。

。十二月壬辰。吏部題補陝西學道。

上曰。朕西巡。至山西。詔訪聞學院汪灝。考試秉公。居官甚清。不但晉人稱之。即他省人亦皆稱其公廉。各省督理學政者。俱不及也。着從優陞為內閣學士。兼禮部侍郎。兼管理陝西

學政。如往還考試。路途遙遠。聽其展限數月。

○康熙四十三年正月辛酉。吏部題補川陝總督華顯員缺。

上曰。川陝總督最為要職。朕觀西安將軍博濟。居官優長。訓練約束。俱有法度。軍民咸戴頌之。西安駐防兵弁調劑非易。昨西巡見其軍容整肅。士馬飽騰。由其才力過人。方能勝任。着將軍博濟兼管川陝總督事。

戶部以山東巡撫王國昌將養濟饑民銀
兩貯庫俟其事畢議處。

上曰。王國昌愿謹而無才。今齊魯游饑。需才拯
救。布政使趙世顯才幹頗優。向爲江寧知府
時。夙著賢聲。王國昌著解任。趙世顯升補山
東巡撫。

○三月辛酉。署工部事學士色德里揆叙入
奏。

上曰。以爾兩學士賢能。故特簡署工部事。工部
積弊甚多。錢糧亦有應節省者。爾等應詳察
具奏。至司官筆帖式內有作弊妄行者。亦應
叅奏。簡署爾等。正爲此也。爾等勉之。

○五月壬戌。

上諭大學士等曰。原任川陝總督覺羅華顯之
子內閣中書傅昌。學問頗優。人亦可用。嗣後
遇有內閣及翰林院缺出。即行陞用。

○六月甲戌吏部以江蘇布政使劉殿衡員
子缺擬奏。

上謂大學士等曰。直隸守道宜思恭。係原任巡撫宜永貴之子。為順德府知府時。居官頗善。李光地亦稱之。河南按察使高啟桂。曾任山西道員。為人慎重。浙江學院靳讓。曾任通州知州。通州人情最難輯服。靳讓能撫馭之。爾等問九卿具奏。席哈納奏曰。當即以此三人

問九卿

上曰。學政緊要。靳讓不必問。但將宜思恭高啟桂問之。

○戊子吏部覆山東巡撫趙世顯題登萊青道梁爾壽員缺。請簡補賢能官員。議不准行。

上曰。此缺甚緊要。着交九卿選擇現任知府內居官優者舉奏。知府內如太原知府趙鳳詔。

保定知府羅綸。江寧知府陳鵬年。居官俱善。但伊等俱由末員超陞知府。宜久於其任。可將此處亦傳諭九卿。

○七月戊申。大學士等以四川布政使于準員缺。九卿保舉按察使鄭昱許嗣興管竭忠摺子入奏。

上曰。管竭忠前任開封府。朕悉知之。但其人略有鑽營。鄭昱人尚老成。著陞補四川布政使。

○十月己丑。

上曰。張鵬翮修堤用餉。誠爲効力。惟待河工人員。稍覺峻刻。故怨者甚衆。其信用王謙則大悞矣。王謙乃極狡詐之人。朕去年巡閱南河。值趙申喬審紅苗事。竣赴行在復命。王謙夜詣趙申喬。自言曾任紅苗地方。熟悉紅苗事宜。祈代爲引奏。是以趙申喬見朕。即引奏王謙熟諳紅苗事宜。朕知其故。以王謙任在河

工。不與遣往。及朕回鑾。王謙稱疾不起。若此者。豈堪信用乎。如李光地居官亦好。然亦不免爲一二人所欺耳。

上又顧大學士等曰。朕觀滿都辦理理藩院事。多所未當。工部侍郎穆和倫山東養民甫還。工部滿堂官俱有人。令其兼署理藩院事。穆和倫雖非有才練達之人。而其心則誠實可信也。

○十一月戊戌。

上諭大學士陳廷敬曰。秦州知州張逸少遷江縣知縣趙申季俱着行取進京候旨。秦州知州遷江縣知縣員缺着另行題補。越明年逸少申季至。

上以其學問俱優。特授爲翰林焉。

○癸亥。

上顧大學士馬齊等曰。徐潮爲河南巡撫。平易

得體。小民無不稱頌。朕西巡時。回經河南。見州縣司道官。內有衰老者。朕酌量革退。徐潮亦少過寬耳。初無不善也。巡撫內如徐潮。學院內如汪灝。誠非易得者。汪灝居官之善。山陝之人。無不稱頌。朕視其人可用。所學亦優。靳讓爲御史時。觀其奏章。意其徒爲大言之人。是以授爲通州知州。以試之。通州乃極難治之地。彼不但能使人心盡服。即地方惡棍。

無不贊揚之。觀李光地近日聲名稍減。民雖無怨言。而感戴之者甚少。彼每被人欺誑。大凡爲督撫者。一被人欺誑。則權必旁移。朕曾以汪灝楊名時問之。李光地。李光地謂楊名時優於汪灝。大都漢官言及門生。務必徇庇。此便非公道矣。張鵬翮向有清名。在河工亦甚効力。但被王謙等欺誑耳。身雖不要錢。子姪親戚在外指名取錢。可謂自己不取耶。爲

大臣者約束不嚴。自謂已不之知。諉之他人可乎。

○康熙四十四年三月丁未。

上駐蹕寶塔灣。

上顧大學士等曰。揚州府知府左必蕃。居官甚優。揚州素稱難治。前者惟施世綸居官有聲。然貧賤者與富貴之家相訟。則必護庇貧賤。失於偏枯。左必蕃則否。立行和平。人皆稱之。

彼原係御史。同輩俱已陞遷。左必蕃可令內陞。仍留知府任。其江南學院張廷樞。湖廣學院潘宗洛。俱有賢聲。誠無玷於翰林。浙江學院靳讓。居官亦優。

○五月辛巳。吏部題內閣學士汪霽員缺。開列詹事府少詹彭會淇等。

上曰。江南學院張廷樞。居官頗優。着授內閣學士兼禮部侍郎。

○七月壬申

上問起居注官揆叙曰。爾衙門誰善翻譯。揆叙奏曰。侍講學士塞爾音翻譯尚可取。

上曰。塞爾音比詹事二格何如。揆叙奏曰。二格略優。

上問曰。更有善翻譯者否。揆叙奏曰。吏部侍郎傅繼祖。

盛京兵部侍郎傅伸翻譯亦佳。此兩人皆

上所洞知也。

上曰。伊等皆可取。又

問問更有人否。揆叙奏曰。刑部主事南泰助教諾敏。昔皆臣衙門筆帖式。翻譯亦可取。

上曰。伊等比書房常書何如。揆叙奏曰。不及常書。

上曰。伊等不及常書是也。常書又不及尹泰翻譯之事。亦甚緊要。前尚書常柰翻譯頗佳。八

股文章亦能爲之。今滿洲進士翻譯雖滿語未全。而所作詩文尚有可取。

○丙戌。石匣副將王朝輔員缺。坐推昌平營叅將吳開圻。

上曰。石匣副將要職也。此處副將陞總兵官甚多。叅將吳開圻其人僅可而已。張家口副將師懿德。乃原任總兵官師帝賓之子。其人可用。貌亦甚偉。着以師懿德調補。

上又曰。王朝輔甚可惜。人材矯健。所學亦佳。遺奏皆其手書。居官之善。石匣兵民無不稱之者。若爲提督。可比俞益謨。趙弘燦。至師懿德之父師帝賓。人材亦矯健。佛倫爲總督時。密奏彼射不堪。請劾之。朕諭曰。師帝賓謂之營伍不整。或不可料。如言其騎射。則師帝賓爲三屯營副將時。其騎射之佳。大臣侍衛皆知之。不可劾也。佛倫終劾師帝賓。而佛倫之名。

亦於此壞矣。佛倫又密奏趙良棟不可使居
寧夏。乞召居京城。後趙良棟來京。朕命彼歸
原籍。趙良棟奏曰。有人奏言不可令臣居寧
夏。今臣不便歸故土。因問何人所奏。趙良棟
言佛倫以其密奏告之。索額圖索額圖告臣。
以此觀之。人之無信無恥。未有如佛倫者矣。
凡督撫提鎮密奏之事。朕親密封發回。即左
右亦不得見隻字。此皆體密奏者之心。而重

其事耳。且一概密奏之事。朕但使做好官愛
百姓。就彼所奏加之訓諭而已。並未嘗一次
批云保此人。劾此人也。佛倫彼自己密奏而
反妄以告人。此忘禍而尋仇矣。猶可比之人
數乎。

上又曰。觀古來爲人臣者。牽於黨類而僨事者
多。既爲同類。不知規諫。但相愆患而爲不良
事。何以濟。

○十一月癸亥。禮部爲湖廣提督學政潘宗洛考試生員冊籍舛錯。交吏部議處。

上曰。潘宗洛居官甚善。似不當如此瑣屑苛求。若吹毛求疵。何省考冊內無舛錯之字。而但叅劾潘宗洛。以此觀之。是必有故。爾等其集科道問之。禮部所叅是歟。非歟。豈別有故歟。可公言之。科道者。朕之耳目也。有所見聞。即當據實直陳。豈嘗因條奏之故。曾治其罪乎。

爾等可宣旨曉諭。戊辰大學士等入奏。臣等以禮部叅潘宗洛事。問科道。據云。潘宗洛居官原好。考冊舛錯。事亦常有。禮部據定例題叅。並無別情。

上曰。俟該部議處具奏時。爾等舉奏免之。

○己巳。吏部奏請補授大學士。

上曰。吏部尚書兼管直隸巡撫事李光地才品俱優。授尚書年久。着陞爲大學士。江蘇巡撫

宋瑩操守好。不生事。蒞任年久。着陞爲吏部尚書。直隸地方旗民雜處。最稱難治。河南巡撫趙弘燮長於辦事。着調爲直隸巡撫。

○辛未。大學士馬齊等奏。臣等以應陞侍講之贊善姚士藹。問翰林院學士揆叙言。姚士藹學問雖優。爲人平常。其次中允凌紹雯。孫致彌。人品學問俱有可取。

上曰。凌紹雯典試陝西。聲名何如。着問九卿試。官聲名美惡。有關品行。果考校公明。斷無聲名不佳之理。若聲名不佳。則品行可知。雖學問優長。何益之有。且一科之正副主考。雖同事。而有聲名不同者。此在各人之品行而已。伊等所行美惡。朕皆知之。不能蔽也。現任提督學政內。如潘宗洛。汪灝。張廷樞。靳讓。居官俱好。靳讓衡文稍平常。而操守甚清。翼日大學士以九卿言覆奏。

詔以凌紹雯爲侍講。

○十二月辛亥。吏部請補山東等十二省學臣。開列翰林及郎中知府等。

上曰。現在所遣各省學臣大略俱佳。無甚劣者。學政關係重大。不可不慎擇也。翰林官優者。朕已簡之。使督直隸江南浙江學政矣。此開列之翰林甚少。其未開列者甚多。何也。陳廷敬奏曰。此論俸較缺開列之故。

上曰。郎中內稍優者。朕皆簡爲科道矣。今所開郎中皆庸常。科道中尚有優者。着將翰林及科道一併開列。明晨引見。

○康熙四十五年五月壬申。吏部以浙閩總督金世榮員缺。開列侍郎王九齡等。

上曰。金世榮年老。不甚理事。惟求安逸。故另以將軍代之。欲令彼在京効力。授爲兵部尚書。此缺甚爲緊要。既近臺灣。又屬大海。非文武

兼優者不能勝任。朕觀內外諸臣，無一堪任此職。朕方思其人，爾等俱大臣，亦當熟思之。山東、河南、直隸三巡撫，居官甚善，欲於此內擢用一人，但俱蒞任未久，且此三處亦甚緊要。六部諸臣內，惟徐潮尚可。宋犛亦優，然宋犛又年老。凡服官者，必以練達事宜，盡力宣猷爲要。今自尚書侍郎以下，筆帖式以上，並不盡心，惟知計利。凡人爲筆帖式時，即當思異日可到尚書侍郎地位，今並無此志。惟利是圖，則亦不足重矣。朕於諸大臣中，簡席哈納爲大學士，特以彼老成謹慎，小心故耳，非以其有才能也。

壬申，大學士等奏浙閩總督員缺。臣等奉命酌議，不得其人。如武臣內有皇上灼知者，請擇一人補授。上曰：閩省近海，联接臺灣，此缺甚要，必得文武

全材者乃可。爾等可與九卿詹事科道會推。
上問大學士李光地曰。原任浙閩總督金世榮
居官何如。李光地奏曰。金世榮爲人忠厚樸
直。

上曰。金世榮居官雖無惡處。然無才不能治事。
去年福建小有旱災。金世榮並未舉奏。其請
改海中商船式樣。雖奉准行。後竟不能改。商
人空費貲財。至今尚未改換舊式。且任福建

總督廣東之賊。沿海直至山東。尚恬然不知。
此亦忠厚太過矣。

上曰。郭世隆居官何如。李光地奏曰。郭世隆居
官安靜不生事。

上曰。提督梁鼐何如。李光地奏曰。梁鼐居官甚
優。

上曰。梁鼐居官甚優。人材亦健。

上曰。提督吳英何如。李光地奏曰。吳英操演水

師頗佳。

上曰。吳英人材矯健。操練水師甚好。至提督張雲翼居官優。練兵亦好。鄉紳雖不悅。而彼處兵民無不稱頌。此數提督皆非易得也。越四日丙子。大學士等以九卿保舉希福納等十人入奏。

上以梁鼎為浙閩總督。

○八月丙午。

上御行宮。

問問舒蘭曰。爾前往達賴喇嘛地方。回京時過寧夏。觀總兵劉官統居官何如。舒蘭奏曰。臣前次往看黃河時。見劉官統居官平常。今較前覺優。

上曰。向有差往者。問之。俱未稱劉官統有超拔處。今雖振刷。亦視前稍優而已。又問問甘肅提督吳洪。西寧總兵殷特。大同總兵

張文煥居官如何。舒蘭奏曰。居官俱優。
上曰。殷特人材甚偉。吳洪。張文煥等居官俱優。
爾言是也。但未嘗經歷行陣耳。

○十月壬子

上謂大學士等曰。刑部民命所關。職任甚重。常
壽自任刑部侍郎。錯審之事甚多。工部侍郎
巢可托居心敬慎。辦事精細。且善屬文。爾等
有知者否。張玉書奏曰。臣嘗與巢可托同纂

修律例。見其熟諳。

上曰。着調常壽爲工部侍郎。巢可托爲刑部侍
郎。

○十二月癸卯

上諭吏部曰。爾等可偕大學士等將太僕寺卿
員缺。於講讀學士內選擇兼攝。國子監祭酒
員缺。於應陞人員內選擇。陝西布政使員缺。
將通曉漢文講讀郎中等官內選擇。即於今

晚引見。申刻吏部尚書同大學士等遵
旨以大僕寺卿員缺。選擇翰林院侍讀學士華
色等四人引

見。

上曰。殷達禮原係內務府郎中。其人怠惰。法海
人極無能。華色俸深。又係陪推。姑授太僕寺
卿。試之。仍着兼翰林院侍讀學士。又國子監
祭酒員缺。選擇翰林院侍讀覺羅滿保等

四人引

見。

上問起居注官揆叙曰。滿保爲人何如。揆叙奏
曰。其人可用。

上曰。滿保進士出身。着陞國子監祭酒。又陝西
布政使員缺。選擇內閣侍讀學士蘇克濟
等八人引

見。

上問大學士馬齊曰。蘇克濟為人何如。馬齊奏曰。為人謹厚。

上又問曰。塞爾圖為人何如。馬齊奏曰。塞爾圖
隨

駕巡幸時。見彼登記

絲綸。甚為切當。

上曰。此二人俱佳。着以蘇克濟補授陝西布政使。

康熙四十六年三月庚辰

上駐蹕江寧行宮。大學士馬齊等為江蘇按察使張伯行員缺。引蘇松糧道馬逸姿等七人入見。

上一遍問之曰。馬逸姿辦事勤敏。着陞江蘇按察使。馬齊等又為蘇州府知府賈樸員缺。引蘇州府同知姜弘緒等六人入見。

上一遍問曰。蘇州要地。如不得其人。則為害

甚大。揚州府知府左必蕃。居官甚優。此外更有何人佳者。邵穆布以寧國府知府許廷試對。

上曰。許廷試何人之子。邵穆布奏曰。提督許天寵之子。

上曰。着將許廷試調補蘓州府知府。同知張雲翰。陞授寧國府知府。

四月庚子。蘓州府民顧子良等。籲請以陞

任江常鎮道賈樸。仍留蘓州府知府。

上曰。蘓州府百姓謂賈樸居官甚善。奏請留任。着調賈樸為蘓松糧道。其江常鎮道員缺。另行題補。

上又謂馬齊等曰。提督吳英。人材既優。而操練水師亦佳。朕有所問。奏對明確。問彼海上有賊否。彼奏曰。仗皇上威靈。海上並無大盜。果有大盜。則任臣為提督何用。至于小賊。不可

謂其必無。由此觀之。乃實情也。吳英年高。又
効力四十餘年。當授將軍銜。以顯榮之。爾等
撰旨呈覽。至梁鼎居官固佳。人才亦優。朕以
地方事問之。奏對明白。今授總督。可謂得人
矣。提督監理行陣亦優。但其人微粗。不如吳
英。伊等皆非易得者。又

曰。巡撫王然居官甚慎。朕謂其過慎。則辦事無
決斷。曾加訓諭。又

問張玉書曰。江蘓巡撫于準居官如何。張玉書
奏曰。于準初到居官甚佳。極留心民事。

上曰。其祖父居官俱善。彼雖欲不勉為善可乎。
五月庚辰。都察院題御史內陞外轉事。

上問大學士李光地曰。昔有外轉御史李發甲
何如。李光地奏曰。李發甲為人謹厚。

上曰。李發甲人固謹厚。居官亦優。前此外轉人
員內。實有優者。俱因問彼堂官。令其外轉。不

知何故。錯誤如此。大都科道並不將應奏事
條陳。專以細事塞責。此中多有情弊。近來伊
等亦並無條奏。其賢否朕何從知之。着以現
列首俸之江球內陞。此次外轉着停止。
六月丙戌。又為補授湖廣總督員缺事。大

學士等遵

旨。問九卿荐舉甘肅巡撫齊世武。陝西巡撫鄂
海。四川巡撫能泰。直隸巡撫趙弘燮。山東

巡撫趙世顯。河南巡撫汪灝。湖廣巡撫趙
申喬。及前所荐松江提督張雲翼。湖廣提
督俞益謨等職名開摺併奏。

上曰。俞益謨新授提督。居官雖好。終難與梁鵬
趙弘燮並論。張雲翼長於約束兵丁。不可令
離松江。齊世武在滿漢巡撫內。官聲超絕。但
陝西地方緊要。不可移動。鄂海乃無能之人。
為捐納一事。屢次所奏。俱不明白。能泰向在

部院朕不曾灼知任甘肅布政使時聲聞頗好自授巡撫以來奏事未當趙弘燮不可使離直隸地方直隸地方若非趙弘燮他人亦難勝任趙世顯前曾革職留任近始復還原職尚未知其効力若何汪灝趙申喬伊等僅可巡撫而已恐不能勝總督之任觀總督卽穆布巡撫于準皆優日後必作好官但江南地方亦離不得伊等馬齊等奏曰湖廣百姓

則全不知禮義恣意妄行且屢有變故故
必須

皇上簡用灼知之人方有裨益

上曰然九卿所荐諸員內無可用者着開列滿洲侍郎等具奏既而

上躊躇久之問李光地曰郭世隆居官何如李光地奏曰郭世隆廣東居官善否素不曾知向在福建時鎮靜無事聲名頗佳

上又問曰郭世隆比金世榮何如李光地奏曰
金世榮居官尚好

上曰金世榮焉可比郭世隆金世榮粗鄙待下
屬無禮人之怨詈者多

上又躊躇良久顧大學士等曰郭世隆人材矯
健亦嘗効力戎行此總督員缺即以之補授
何如馬齊等奏曰郭世隆在福建廣東兩省
總督熟晰地方事務人亦誠實授為總督

誠為允當

上曰然即授郭世隆為湖廣總督仍革職戴罪
効加

十一月壬申大學士等以折本請

旨

上顧李光地曰原任蔚縣知縣屠沂何如李光

地曰其人誠實故臣嘗荐之

上曰屠沂自知縣行取朕用之為隴州知州任

隴州纔七月。聲名大著。彼原係行取。當用為科道者。朕已將彼交吏部補授科缺矣。

十二月戊子。

上謂大學士席哈納等曰。適為選補科道。引見翰林部院官員。內無朕所真知灼見者。且人必自始至終保之。亦難。朕今於伊等內擇進士科分深者補之。

康熙四十七年閏三月己丑。大學士馬齊

等覆請兵部題廣東提督黃登員缺。以鑲

藍旗副都統張朝午等職名開列。

上曰。總兵官施世驃人材壯健。素行自愛。朕欲用為提督。着同九卿來奏。甲午。大學士馬齊等奏曰。臣等遵

旨。以總兵官施世驃。問九卿。皆云。施世驃居官

既好。為人自愛。

上曰。施世驃着授廣東提督。

十月戊子

上閱殿試武舉等騎射兵部尚書耿額等進奏
武舉田暖等一百一名分為十班並試騎
射

上顧大學士溫達等兵部尚書耿額等曰按八
旗漢軍人員以文職用者多以武職用者少
嗣後武科鄉會場亦當令八旗漢軍應試即
增額亦無多如此則精壯技勇者可得矣諸

臣奏曰

聖諭誠然

四十八年九月己未吏部題安徽布政使

李法祖員缺以按察使姚諧推陞

上問大學士等曰姚諧居官如何張玉書奏曰

聞伊亦頗謹守

上問李光地光地奏曰不知其人

上令學士賽爾圖召六部漢尚書都御史俱入

上問曰姚諧居官如何諸臣奏曰平常

上曰姚諧任東兗道時趙世顯荐其為有素好

官及陞任按察使朕南巡時即聞其不善此

布政使員缺着另擬具奏姚諧着原品休致

上問曰真定知府祁國祚如何刑部尚書張廷

樞奏曰係有才能者

上又問李光地及戶部尚書張鵬翮曰現任知

府內爾等有知者否李光地奏曰臣所知者

數人今已陞任現任知府內無有知者張

鵬翮奏曰蘓州府知府陳鵬年操守才能

俱優

上曰此外更有可知者否張鵬翮奏曰別無知

者

上曰操守才能俱優者實難其人今天津道缺

趙弘燮荐祁國祚朕深知其人可授為天津

道日後再視其賢否

十一月庚午。大學士等覆請吏部所題奉
天府府丞湯右曾負缺以奉

旨內陞之戶科給事中屠沂補授

上曰屠沂居官甚善。而為人亦正。留之以京缺
用。奉天府府丞缺。另擬具奏。

四十九年七月庚寅。大學士等覆請兵部
議得陝西壽州總兵官路振聲所題請增
陝西武舉額數不准行。

上曰陝西人材壯健者甚多。而且又令兵丁一
體鄉試。武舉額數若少。則有才者不免遺漏。
以致壅滯。着將武舉中式。照原額增二十名。
八月丙戌。大學士等覆請福建巡撫許嗣
興題報署理總督印務日期。

上曰賑濟福建被災之民事甚重大。梁鶴現在
有病。不耐勞苦。今又丁憂。總督印務着將軍
祖良璧暫行署理。其員缺以范時崇補授。着

馳驛速赴任所。廣東巡撫以滿洲補之。學士
滿丕善於辦事。著補授廣東巡撫。大學士溫
達奏曰：福建被災歉收，地方事亦甚緊要。
祈

皇上亦補滿洲巡撫。

上曰：福建巡撫許嗣興，哀老而性情暴戾，用之
未妥。又

曰：雲南僻遠，巡撫郭琛居官善否，雖知之不深。

其人，有文武和翻譯甚佳，步箭亦善，直誠而
知禮義。溫達奏曰：郭琛臣之族姪，為人尚直。
大學士等以九卿奉

旨，為提督俞益謨員缺，所舉福建臺灣總兵官

崔相國、陝西西寧總兵官范時捷、山西太
原總兵官馬見伯、陝西花馬池副將金國

正摺子呈

覽，併以原疏覆請。

上曰着以荊州副都統額倫特補授湖廣提督
朕保額倫特不要一錢不空一兵但家道甚
貧無有賞勸兵丁之資着湖廣總督兩巡撫
每年資助

十月乙亥大學士等覆請吏部所題巡撫
郭璪員缺以內閣學士賽爾圖等職名開

列

上曰內閣學士俱不能覆奏四川布政司吳存

禮如何李光地奏曰居官尚好

上曰吳存禮曾任通州知州天津道居官聲名
甚好將伊陞為雲南巡撫還當以廣東福建
等處要地用之

十一月己亥大學士以九卿導

旨為補授兩淮運使員缺所舉李陳常等摺子

呈

覽併以原疏覆請

上取摺覽之曰張聯登居官好從何處陞來李
光地奏曰不知

上問李光地曰首名李陳常何如李光地奏曰
李陳常去歲分校與臣共事數日視其人
有字

上問曰係進士乎李光地奏曰然
上曰保舉李陳常之人多即着補授

大學士等覆請吏部所題大學士陳廷敬

員缺請

旨開列

上曰蕭永藻居官好着授大學士

上又曰用人乃人君之權若以私意揣度非大
臣之理也使冀望大學士者愧之

十一月癸卯

上諭大學士等曰兵部尚書最為緊要漢大臣
中朕無深知之舊人督撫又有封疆重任不

便動移鑲白旗都統孫徵灝學問優長而旗
內聲名亦好着授為兵部尚書

十二月庚辰大學士等覆請吏部所題都
察院左都御史徐元正員缺以吏部侍郎
曹鑑倫等職名開列

上曰趙申喬不要銀錢而且毫不畏人其參人
斷不能止令伊來京條奏諸事如可行者行
之不可行者朕自知耳趙申喬着給還原官

陞左都御史

上又曰今科道官員當糾參者並不糾參不當
糾參者反行糾參其所糾參非有仇隙即有
情弊且科道官員條奏俱有倚恃之人所條
奏事皆出於私無有秉公者又覆請吏部侍
郎郎赫壽員缺以戶部侍郎塔金泰職名開

列

上曰學士等俱屬平常伊等雖為學士並無奉

公効力之心。朕意欲於八旗副都統內選擇
補授大學士溫達奏曰甚善。如此選擇補授
庶可得人。

上曰然。着開列副都統職名送進。

康熙五十年十月甲子兵部題總兵官崔
相國調補臺灣三年任滿員缺例應調補。

以漳州總兵官姚堂等職名開列。

上曰臺灣總兵官缺甚屬緊要。這開列內應調

補人員。着問九卿及閩省官員。亦遣人問大

學士李光地。併諭閩省諸臣。伊等本省內武

官有好者。即便稱好。勿得寬抑。好官果據實

陳奏。閩省官員畏爾等能直言。俱交相勉勵

為好官。矣。閩省路遠。朕又不能得到。故善惡

未及聞之。原任提督藍理。至惡跡盈滿。始聞

草斥。若惡跡未滿之前。草斥。豈不大有益于

地方。

